

苦上昇天堂衣食自然

二念帝王國主道化興隆庠序濟濟皇教恢

弘威儀翼翼普天所瞻民稱太平四夷賓

伏妖惡自滅聖賢日生

三念法師功德大建教化明達俱獲飛仙

四念同志學人早得仙道更相開度

五念九親和睦好尚仁義貴道賤財行為物

範

六念損己布施道士及飢寒者天下人民各

得其所

七念蠕動踐行一切衆生成蒙成就

八念救貧前生今世罪對立功補過

九念家國隆盛宗廟有人世生賢才

十念專受經師不敢中怠平等一心廣度剋

獲上仙白日登天拜見太上未成人雲

車羽駕和與道合具

復爐

香官使者左右龍虎君侍香諸靈官當令臣
行道之所自然生金液丹碧芝英百靈衆具
交會在此香火洞案爐前令臣學道得道求

仙得仙十方仙童玉女侍衛香煙傳奏臣向
來所啓徑達

至具无極大道三清上聖玉皇上帝御前

出戶

太上黃籙齋儀卷之四

正一天師清微弟子 洪百堅 製作
道教學術資訊網站

太上黃籙齋儀卷之五

實五

唐廣成先生杜光庭集

第二日中分行道

入戶

各禮師存念如法

衛靈

黃中策炁 斬滅妖宗 遏絕邪源

制斷魔蹤 太上符命 召制神功

萬靈斯格 却禍除凶 玉炁三輪

洞運真風 紫戶含瓊 大慶無終

左命青腰 右攝芝童 逍遙颺景

總御九空 玄壇應機 乘炁虛冲

蕩真普降 濟度無窮

鳴法鼓二十四通

无上三天玄元始三炁太上老君召出臣等

身中三五功曹左右官使者左右捧香驪龍

騎吏侍香金童傳言玉女五帝直符直日香

官各三十六人出當召此間土地里域具官

正神速出嚴裝關啓臣今正爾燒香奉為某

官某乙為國為家奉修无上黃籙大齋若干

日夜以今第二日中分登壇朝具行道願得
太上十方正真生炁降流臣等身中所啓速
達上御

至真無極大道玉皇上帝御前

各稱法位

上清玄都弟子日某某等謹同誠上啓

虛无自然元始天尊無極大道太上大道君
太上老君高上玉皇十方已得道大聖衆至
具諸君丈人三十六天帝君玉虛上帝玉帝
大帝東華南極西靈北真玄都玉京金闕七
寶玄臺紫微上官靈寶至真明皇道君三十
六部尊經玄中大法師西極總真玉君東卿
司命太元真人太平下教二十四真人五嶽
靈宮名山洞府得道神仙三界應感一切真
靈臣等運偶福期善資昔會三尊布無爲之
化四明開廣濟之門得以凡姿依宗妙法披
九光之寶牒盼三洞之瓊篇內度庸虛諒非
所任唯憑齋戒冀立微功佐國度人庸副玄
旨凡有所向敢不上聞

讀詞

按如詞言歸誠玄極爲國爲家請福祈恩弟
子某自惟稟質三靈陶神四大愛河溺性欲
海馳誠幻境易迷福山難構積尤累過歲月
茲深伏聞黃籙妙齋玄都秘格上拔億曾萬
祖惡對罪根下拯九夜三塗窮魂幽爽解消
殃結開度天人福惠所覃永安家國是敢肅
虔誠齋備香花鎮信絳緞金龍燈燭建齋
行道祈降上真普爲存亡歸心請命以今中
分行道請法衆等運茲初捨上香
願此香煙騰空徑上供養

无上至真道寶臣等歸身歸命首體投地仰依
太上三尊願以是功德上資社稷尊靈宗桃
先聖融神三境高步九天幽贊洪基保安大
業

皇帝壽齊兩曜化洽三元車軌八紘提封萬
國儲宮藩邸臣佐

帝圖良輔元勳保乂王室瑞雲昭布法雨舍
滋四友三師山樓同志並登真果咸契仙階
今故燒香歸依
師尊大聖衆至真之德得道之後昇入无形

與道合真

以今中分行道運茲二捨上香歸身歸神歸命
大道臣等首體投地歸命

太上尊經願以是功德奉福某家九祖幽儀
七玄神識洪暉下照出昏暗之泉局玄澤旁

霑釋焦勞之罪網三官削錄五道生神聞正

法於紫微朝至真於碧落佩靈書秘籙超夜

府寒庭六趣三塗同臻福界本故燒香歸依

師尊大聖衆至真之德得道之後昇入无形

與道合真

以今中分行道運茲三捨上香歸身歸神歸命
大道臣等首體投地歸命

太上三尊願以是功德歸流某家九姻六族

內外親緣體洽元和神融妙道金貞玉瑩增

福祉而益光鏡朗塵清延壽涯而彌遠災隨

霧廓善與雲臻動植飛沉寰中象外俱霑巨

福咸沐玄功今故燒香歸依

師尊大聖衆至真之德得道之後昇入无形

與道合真

禮方

懺悔

步虛

控轡適十方

俯盼紫雲羅

積學為真人

萬椿奚足多

三啓 三禮

臣等至心稽首禮

太上无極大道

臣等至心稽首禮

三十六部尊經

臣等至心稽首禮

玄中大法師

重稱法位

上清玄都弟子 臣等謹同誠上啓

太上无極大道元始天尊太上大道君太上

老君十方无極大道道德衆聖天尊至真大

帝天帝三十六部尊經玄中大法師上相上

宰四司五帝太平下教二十四真人西極總

真王君五嶽靈官名山洞府三界應感一切

具靈 臣等伏聞元皇立教至道垂文碧宇遐
宣拯四迷於六趣丹書弘闡錫繁祉於九幽
生死蒙恩昏明咸泰其上惟九玄七世累劫
親緣爰洎君親至于家國思崇景貺大啓洪
禋歸命玄壇投誠紫府請修齋直以達誠祈

臣等依按品文遵行戒式纂列星辰之位上
法圓穹壇開日月之門旁依真格香花燈燭
證信達誠龍璧紋繒表心展禮冥思注想冀
獲感通所祈

无上法王放慈光而下照

玄都大聖垂惠澤以遐臨勅飛天神王告盟
三界開寒庭之府解釋幽魂累世神儀並蒙
薦拔沐浴神液超度南宮觀聽法音化生仙
境上冀

聖君萬壽帝業無疆廓八海之波濤皆為帝

澤亘九圍之川嶽盡作王畿車軌畢同星躔

咸順八風和暢五穀豐登兵革不興烽煙永

戢人無疵疫俗有禎祥某家眷屬宗親並霑

洪福三塗九夜動植沉潛咸資妙道之慈齊

契自然之果上明

天尊大慈之施下副 臣等丹禱之誠謹啓以

聞

發願

一願大道淡泊虛无安閑空寂澄清自居廣

開法門教導頑夫皆蒙惠澤精苦是修預

以同學普得升虛與天相保長存無憂

二願諸天結炁澄清高虛廣覆保真固靈氣

候調節四運和平國安民豐普天闡寧廣

濟一切惠達有生保天長存億劫不傾

三願土地覆載無窮安平不陷海淪不崩保

鎮家國兆民興從養生安死惠周十方未

稼滋植管運日豐咸得厚載萬類皆從

四願日月二景高明無有薄蝕虧盈安清光

照諸天洞消暗冥保固劫運世祚和平普

加潤澤惠灑衆生

五願星辰與日齊光轉燭照耀朗映十方各

安其位經緯直行保鎮家國無有災傷四

海寧一普天興昌

六願四時隨節推遷景炁和調無有災患疫

毒消滅普天安平五穀豐熟國富民歡

壽消滅普天安平五穀豐熟國富民歡

壽消滅普天安平五穀豐熟國富民歡

壽消滅普天安平五穀豐熟國富民歡

壽消滅普天安平五穀豐熟國富民歡

壽消滅普天安平五穀豐熟國富民歡

壽消滅普天安平五穀豐熟國富民歡

七願浮雲結氣聚煙飛空高澄蔭覆玄玄隱
 則無為散則彌天神仙同居結友衆真惠
 流一切興國愛民普濟羣生人同劫年
 八願風雨流灑無窮普加施泄受其發揚萬
 物滋生國儲民豐

九願五嶽各安其方巍巍包藏長為仙官安
 鎮國祚保天無終護度一切莫不仰宗
 十願江海蕩蕩無極含容恢廓無細不植淵
 奧柔惠潤加蠕息天人獲慶年同劫石
 十一願帝王國土日昌四鎮安睦兵革不揚
 天人歌唱吉應來翔敷教濟濟威化洋洋
 兆庶稱慶長樂未央
 十二願螻蟻蠢動已生未生成蒙安全普得
 生成皆見元炁受陽之形草木果林經冬
 不零一切濟度靡不鮮榮和與道合真

復爐

香官使者左右龍虎君侍香誥靈官當令
 行道陞壇之所自然生金液丹碧芝英百靈
 衆真交會在此香火洞案爐前願修齋弟子
 某存亡受福幽顯霑恩十方仙童玉女侍衛

香煙傳臣向來所啓徑達
 至真元極大道玉皇上帝御前

出戶

太上黃錄齋儀卷之五

正一天師清微弟子 洪百堅 製作
 道教學術資訊網站

太上黃錄齋儀卷之六

賓六

唐廣成先生社 光庭集

第二日落景行道

入戶

各禮師存念如法

衛靈

金具空降 神虎檢管 玉帝披霞

諸天命靈 九晨四駕 萬魔束形

九微逆煙 神威攝精 流金擲火

百惡消并 神輝耀夜 洞杳長春

聖道蕩蕩 十方肅清 保制劫運

元亨利貞

鳴法鼓二十四通

无上三天玄元始三炁太上老君召出臣等

身中三五功曹左右官使者左右捧香驛龍

騎吏侍香金童傳言玉女五帝直符直日香

官各三十六人出當召此間土地里域真官

正神速出關啓臣今正爾燒香奉為某官某

乙為國為家修奉无上黃錄大齋若干日夜

以今第二日落景陞壇焚香行道願得太上